



Rhif yr Hysbysiad Preifatrwydd: {Cliciwch yma}
Dyddiad y Crëwyd: {Cliciwch yma}
Dyddiad y Cyhoeddwyd: {Cliciwch yma}
Rhif y fersiwn: {Cliciwch yma}
Rhif Adnabod y Ddogfen:

Man Gwasanaeth: Cyfadran Gwasanaethau Cymdeithasol
Man Gweithio: Gwasanaethau Oedolion
Manylion cyswllt: Jo Williams, Cyfarwyddwr Cynorthwyol
willij6@caerffili.gov.uk
01443 864611
Enw'r Hysbysiad Preifatrwydd: Gwasanaethau Teleofal
Disgrifiad o'r Hysbysiad Preifatrwydd: Bydd yr hysbysiad preifatrwydd hwn yn egluro'r modd y bydd Gwasanaethau Teleofal Cyngor Bwrdeistref Sirol Caerffili yn defnyddio'r wybodaeth a ddarparwyd gennych chi amdanoch chi'ch hun (data personol) pan fyddwch yn cysylltu â'r gwasanaeth yn uniongyrchol neu os yw sefydliad/unigolyn arall yn gwneud cysylltiad/atgyfeiriad at Gyngor Bwrdeistref Sirol Caerffili.

Sut y byddwn yn defnyddio'ch gwybodaeth

Y ffynhonnell a'r math o wybodaeth a brosesir

Bydd Gwasanaethau Teleofal Cyngor Bwrdeistref Sirol Caerffili yn storio unrhyw fanylion sy'n ymwneud â'ch sefyllfa mewn ffordd a fydd yn cynorthwyo'r Cyngor i'ch cefnogi i ddiwallu eich anghenion a/neu anghenion eich teulu.

Bydd yr adran hon yn esbonio'r categorïau o ddata personol a allai gael eu rhannu gyda ni a'r math o sefydliadau/unigolion a allai roi gwybodaeth inni.

Categorïau o ddata personol a geir

Gall Gwasanaethau Teleofal gael y categorïau canlynol o'ch data personol:

- Enw
- Cyfeiriad
- Dyddiad Geni
- Rhyw
- Manylion Cyswllt

Gall Gwasanaethau Teleofal hefyd gael a chadw gwybodaeth fwy penodol gan gynnwys:

- Cofnodion o unrhyw ymweliadau neu gysylltiad a wnaethoch neu a wnaethom â chi. Mae hyn yn cynnwys recordiadau llais o'r holl alwadau a wneir i'r ganolfan reoli ac oddi yno.
- Gwybodaeth am aelodau eraill eich cartref
- Manylion am berthnasau teuluol yn eich cartref a thu allan
- Enwau a manylion cyswllt eich perthnasau agos a/neu eich gofalyddion
- Enwau a manylion cyswllt pobl eraill yr ydych chi, neu eich eiriolwr wedi'u henwebu fel cyswllt neu ymatebwyr personol (er enghraifft ffrind neu gymydog)
- Manylion eich meddyg teulu
- Manylion eich darparwyr ffôn a chyfleustodau
- Manylion eich landlord cymdeithasol cofrestredig
- Manylion am unrhyw wasanaethau eraill rydych chi'n eu derbyn
- Manylion am eich anghenion ym mhob rhan o'ch bywyd (e.e. eich anghenion gofal a chymorth)
- Manylion am eich lechyd corfforol
- Manylion am eich Lles
- Gwybodaeth a ddefnyddir i asesu eich sefyllfa, megis asesiadau ac adroddiadau
- Pethau y mae sefydliadau eraill (megis y gwasanaeth iechyd neu gartrefi gofal) yn dweud wrthym i'n helpu i ddeall eich sefyllfa ac anghenion a chydlynu'ch gwasanaethau gofal yn fwy effeithiol
- Unrhyw anghenion neu anabledd ychwanegol
- Manylion am eich lechyd meddwl a'ch gallu
- Manylion am eich canlyniadau Personol
- Manylion am eich gwybodaeth Dull Byw
- Gwybodaeth am fynediad i'ch cartref, gan gynnwys allwedd, lleoliadau diogel a chodau
- Gwybodaeth am unrhyw risg posibl i bobl sy'n ymweld â'ch cartref (er enghraifft, anifail anwes amddiffynnol)
- Gwybodaeth ariannol
- Cofnod troseddol
- Cyfiawnder Adferol
- Amddifadu o Ryddid

Ffynhonnell y data personol

Mae Gwasanaethau Teleofal Cyngor Bwrdeistref Sirol Caerffili yn derbyn ac yn cofnodi gwybodaeth o amrywiaeth o ffynonellau amdanoch. Gellid derbyn y wybodaeth hon gan:

- Aelodau'ch teulu
- Eich cysylltiadau personol (a enwebwyd gennych chi neu'ch eiriolwr)
- Gwasanaethau Brys
- Adrannau eraill Cyngor Bwrdeistref Sirol Caerffili
- Awdurdodau Lleol Eraill
- Awdurdodau Iechyd
- Yr Adran Gwaith a Phensiynau
- Y Llys Gwarchod
- Cwmnïau Cyfleustodau
- Cyrff rheoleiddio - Arolygiaeth Gofal Cymru/Arolygiaeth Gofal Iechyd Cymru
- Cynrychiolwyr Cyfreithiol
- Gweithwyr Proffesiynol Gofal
- Cyfarwyddwyr Angladdau
- Asiantaethau partner

Os hoffech ragor o wybodaeth am y ffynhonnell o'r wybodaeth sydd gennym, cysylltwch â Chyngor Bwrdeistref Sirol Caerffili. Efallai y bydd hyn yn gofyn ichi wneud Gais am Fynediad at Ddata gan y Testun dan Ddeddfwriaeth Diogelu Data.

Y diben a'r sail gyfreithiol ar gyfer defnyddio eich gwybodaeth

Diben/Sail gyfreithiol ar gyfer y gwaith prosesu

Gwasanaethau Teleofal

Mae Gwasanaethau Teleofal yn darparu offer Teleofal ac ymateb i alwadau sy'n cael eu cynhyrchu gan yr offer hwnnw i ddefnyddwyr gwasanaeth cymwys. Mae'r offer yn galluogi defnyddwyr gwasanaeth i gysylltu â'n Canolfan Reoli i geisio cefnogaeth, gan gynnwys cymorth ar gyfer argyfyngau meddygol neu gymdeithasol. Efallai y bydd yr offer hefyd yn cynnwys synwryddion sy'n ysgogi galwad yn awtomatig i'r Ganolfan Reoli pan fydd paramedr wedi'i fodloni (er enghraifft, synwryddion mwg sy'n synhwyro tân neu synwryddion syrthio sy'n synhwyro cwmpwysibl). Bydd gweithredwyr y Ganolfan Reoli'n defnyddio gwybodaeth a ddarperir gan y defnyddiwr gwasanaeth a/neu'r synhwyrydd, ynghyd â gwybodaeth a gedwir am y defnyddiwr gwasanaeth hwnnw a'u hymatebwyr personol er mwyn penderfynu a gwneud yr ymateb mwyaf priodol. Efallai y bydd angen weithiau ymgynghori â chysylltiadau neu ymatebwyr personol i bennu'r ymateb mwyaf priodol. Lle mae gofyn i wasanaethau neu asiantaethau eraill hwyluso cefnogaeth, bydd eich gwybodaeth bersonol yn cael ei chyflenwi iddynt, ond dim ond y wybodaeth sy'n angenrheidiol iddynt wneud yr ymateb yn unig.

Rydym hefyd yn prosesu gwybodaeth er mwyn

- Cofrestru a phrosesu ceisiadau ar gyfer y gwasanaeth
- Gosod a chynnal yr offer a osodwyd at ddibenion cyflawni'r gwasanaeth
- Sicrhau bod y wybodaeth sydd gennym amdanoch yn gywir
 - Byddwn yn cysylltu â chi neu eiriolwr i adolygu'ch data
- Sicrhau bod eich offer yn gweithio
 - Gall hyn gynnwys galwad pen-blwydd blynyddol a/neu lythyr yn gofyn i chi brofi'ch offer
- Rheoli ochr ariannol ein contract gyda chi
 - Anfon anfonebau
 - Rheoli taliadau, gan gynnwys peidio â thalu
 - Eich hysbysu am newidiadau mewn taliadau
- Rheoli ein perthynas â chi
 - Eich hysbysu am newidiadau i'r gwasanaeth, telerau ac amodau neu bolisi preifatrwydd
 - Gofyn i chi roi adborth neu gwblhau arolwg i'n helpu i wella'r gwasanaeth
- Sicrhau ansawdd y gwasanaeth
 - Gofyn i chi roi adborth neu gwblhau arolwg i'n helpu i wella'r gwasanaeth
 - Gwneud gwiriadau o ansawdd ar alwadau i fwydo i mewn i adolygiadau gwasanaeth neu adolygiadau staff.

Os bydd amheuaeth, ar unrhyw gam o'r broses, y gallai oedolyn fod mewn perygl, yna bydd Gweithdrefnau Amddiffyn Oedolion Agored i Niwed yn cael eu gweithredu, a gallai hyn arwain at ymchwiliad ac asesiad ffurfiol. Gallai hyn gynnwys sawl asiantaeth fel yr heddlu neu'r gwasanaeth iechyd.

Er mwyn i brosesu data personol fod yn gyfreithlon o dan Reoliadau Diogelu Data Cyffredinol 2016 (GDPR), mae'n rhaid nodi amod dilys o Erthygl 6 o'r Rheoliadau, a amlinellir isod:

- 1e. mae angen prosesu ar gyfer cyflawni tasg a wnaed er budd y cyhoedd neu wrth arfer awdurdod swyddogol a freiniwyd yn y rheolwr;

Mae deddfwriaeth Diogelu Data yn darparu amddiffyniad ychwanegol ar gyfer rhai dosbarthiadau o wybodaeth o'r enw 'data personol arbennig'. Os bydd unrhyw wybodaeth yn dod o fewn y diffiniad o ddata personol arbennig, yna rhaid nodi amod ychwanegol o Erthygl 9 o'r Rheoliadau, fel yr amlinellir isod:

6 (1) Cyflawnir yr amod hwn os yw'r brosesu

(a) Yn angenrheidiol at ddiben a restrir yn is-baragraff (2), ac

(b) Yn angenrheidiol oherwydd rhesymau o fudd sylweddol y cyhoedd.

(2) Y dibenion hynny yw -

(a) ymarfer swyddogaeth a roddwyd i berson drwy ddeddfiad neu reol gyfreithiol;

(b) ymarfer swyddogaeth y Goron, Gweinidog y Goron neu adran y llywodraeth.

Mae deddfwriaeth Diogelu Data hefyd yn darparu amddiffyniad ychwanegol ar gyfer data personol mewn perthynas ag euogfarnau troseddol a throseddau. Os bydd unrhyw ddata personol yn dod o fewn y categori hwn, yna rhaid nodi amod ychwanegol o Erthygl 10 o'r Rheoliadau, fel yr amlinellir isod:

36 Cyflawnir yr amod hwn pe byddai'r prosesu yn bodloni amod yn Rhan 2 o'r Atodlen hon ond ar gyfer gofyniad penodol i'r prosesu fod yn angenrheidiol oherwydd rhesymau o fudd sylweddol i'r cyhoedd.

Amodau yn Rhan 2 o'r Atodlen y cyfeirir atynt uchod yw'r amodau hynny ar gyfer prosesu manwl yr uchod o dan amodau Erthygl 9 ar gyfer prosesu data personol arbennig.

Pwy fydd yn gallu cyrchu eich gwybodaeth?

Manylion y Rheolwr Data a'r Swyddog Diogelu Data

Y Rheolwr Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Ms Joanne Jones

Y Rheolwr Llywodraethu Gwybodaeth Gorfforaethol/Swyddog Diogelu Data

E-bost: diogeludata@caerffili.gov.uk

Ffôn: 01443 864322

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Cysylltwch â'r Maes Gwasanaeth am ragor o wybodaeth.

Manylion am brif ddefnyddwyr eich gwybodaeth

Prif ddefnyddwyr eich gwybodaeth fydd Gwasanaethau Teleofal Cyngor Bwrdeistref Sirol Caerffili.

Os bydd eich achos yn gofyn am gamau pellach neu weithrediad gan y Gwasanaethau Cymdeithasol, bydd eich gwybodaeth/data yn cael ei drosglwyddo i dîm o fewn Gwasanaethau Oedolion i dderbyn y gwasanaethau neu'r gefnogaeth briodol. Gall y timau hyn gynnwys:

- Timau Pobl Hŷn
- Tîm Therapi Galwedigaethol

- Tîm Anabledd Corfforol a Nam ar y Synhwyr
- Tîm Anableddau Dysgu
- Tîm Camddefnyddio Sylweddau
- Tîm Iechyd Meddwl
- Tîm Cefnogi Pobl
- Gwasanaethau Cymorth Cymunedol
- Tîm Plant ag Anableddau
- Timau Llety i Oedolion (Byw â Chymorth, Rhannu Bywydau a Seibiant)
- Tîm Comisiynu
- Gwasanaethau Preswyl a Gofal Dydd
- Tîm Cymorth Cartref ac Ailalluogi
- Cyd-Dîm Rhyddhau o'r Ysbyty
- Tîm Diogelu Oedolion/Amddiffyn Oedolion Agored i Niwed
- Tîm Cyllid Cleientiaid

Yn ychwanegol at yr uchod, efallai y bydd gan y timau canlynol fynediad i'ch gwybodaeth hefyd:

- Adran Tai Cyngor Bwrdeistref Sirol Caerffili - os ydych chi'n denant Tai CBSC ac mae'r gefnogaeth sydd ei hangen arnoch chi'n gysylltiedig â thai
- Tîm Dyletswydd Brys De Ddwyrain Cymru - Os caiff atgyfeiriad ei wneud y tu allan i oriau
- Tîm Cwynion a Gwybodaeth - Os yw'r achos yn cynyddu i gwyn
- Gwasanaethau Cyfreithiol - Os yw'r achos yn ymwneud â phroses y llys
- Tîm Treth y Cyngor/Budd-daliadau - er mwyn gwirio'ch cymhwyster am gostau â chymhorthdal am y gwasanaeth
- Tîm Gwasanaethau Ariannol - Os yw'ch achos yn cael ei asesu ar gyfer asesiad ariannol
- Gwasanaethau Yswiriant - Os oes hawliad yn erbyn yr Awdurdod
- Tîm Iechyd a Diogelwch - Os oes angen asesiad risg
- Timau Cyllid Corfforaethol/Archwilio Mewnol - Os oes angen archwiliad

Manylion am unrhyw rannu o'ch gwybodaeth o fewn Cyngor Bwrdeistref Sirol Caerffili

Bydd eich gwybodaeth yn cael ei storio ar gronfa ddata Gwasanaethau Teleofal Cyngor Bwrdeistref Sirol Caerffili (PNC) a hefyd System Gwybodaeth Gofal Cymunedol Cymru, sef system ar y cyd ar gyfer darparwyr gwasanaethau Gofal Cymdeithasol, Iechyd Cymunedol ac Iechyd Meddwl yng Nghymru.

Bydd mynediad at eich gwybodaeth yn cael ei reoli, gan ganiatáu i ymarferwyr perthnasol ddefnyddio'r wybodaeth ofynnol i gefnogi darparu gofal diogel i ddinasyddion Cymru.

Gellir defnyddio'ch gwybodaeth bersonol (enw, cyfeiriad, rhifau cyswllt) ar daenlenni i helpu i reoli a monitro'r canlynol

- Ceisiadau am y gwasanaeth
- Rheoli diffygion yr offer
- Ffurflenni adolygu data blynyddol
- Canslo gwasanaeth a chasglu offer
- Rhestr cofnodion wedi'u dileu

Manylion am unrhyw rannu o'ch gwybodaeth â sefydliadau eraill

Bydd ein gweithredoedd mewn ymateb i'r wybodaeth a dderbynnir yn gymesur â'r wybodaeth a gall fod adegau pan fydd angen i ni siarad neu ymgynghori â chydweithwyr yn allanol. Gall hyn gynnwys ond nid yw'n gyfyngedig i:

Pan fyddwch chi neu'ch offer yn cysylltu â ni, gall y gweithredwr Gwasanaethau Teleofal basio'ch gwybodaeth/data i drydydd parti er mwyn hwyluso ar unwaith y gefnogaeth sydd ei hangen arnoch. Mewn rhai achosion, efallai y byddwn hefyd yn trosglwyddo'ch gwybodaeth/data i drydydd parti er mwyn hwyluso cefnogaeth barhaus.

Gall y trydydd parti hwn gynnwys

- Gwasanaethau Brys
- Pobl a enwebwyd gennych chi neu eiriolwr fel ymatebydd personol
- Eich Meddyg Teulu neu weithwyr gofal iechyd proffesiynol eraill
- Gofalydd neu Asiantaethau Gofal
- Landlord Cymdeithasol Cofrestredig neu Staff y Tîm Tai
- Peirianwyr yr offer larwm
- Gwasanaethau cyfieithu
- Awdurdodau Lleol Eraill
- Yr Adran Gwaith a Phensiynau
- Y Llys Gwarchod
- Cwmnïau Cyfleustodau
- Aelodau'ch teulu
- Awdurdodau Iechyd
- Cyrff rheoleiddio - Arolygiaeth Gofal Cymru/Arolygiaeth Gofal Iechyd Cymru
- Cynrychiolwyr Cyfreithiol
- Gweithwyr Proffesiynol Gofal
- Cyfarwyddwyr Angladdau
- Asiantaethau partner

Weithiau bydd angen ymyriad anstatudol ar gyfer eich anghenion. Yn yr achosion hyn, gwneir atgyfeiriad i sefydliadau perthnasol ar eich rhan, megis Canolfan Cyngor ar Bopeth neu grwpiau cymorth eraill ac ati.

Os oes angen sefydlu contract gyda darparwr allanol, i ddarparu gwasanaeth neu gefnogaeth berthnasol, bydd yr holl wybodaeth berthnasol yn cael ei rhannu gyda'r darparwr i sicrhau bod y gwasanaeth hwn yn cael ei gyflenwi'n llwyddiannus.

Bydd pob rhannu o'ch data personol â sefydliadau eraill yn cael ei gyflawni yn unol â gofynion deddfwriaeth diogelu data.

Os ydych chi'n symud y tu allan i ardal Bwrdeistref Sirol Caerffili, efallai y bydd eich data personol yn cael ei rannu gyda'ch awdurdod lleol newydd i barhau i'ch cefnogi i ddiwallu eich anghenion a/neu anghenion eich teulu.

I weld y wybodaeth a ddarperir i Lywodraeth Cymru ynglŷn â phobl sy'n derbyn gwasanaethau cymdeithasol, cliciwch: [yma](#)

Ceisiadau am wybodaeth

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a'r Ddeddfwriaeth Diogelu Data.

Os bydd yr wybodaeth a ddarperir gennych yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch yn gwrthwynebu rhyddhau eich gwybodaeth, byddwn yn cadw'r wybodaeth yn ei hôl, os bydd y ddeddfwriaeth berthnasol yn caniatáu i hynny ddigwydd.

Am ba hyd y byddwn yn cadw eich gwybodaeth?

Manylion am y cyfnod cadw

Mae'r cyfnod y mae Cyngor Bwrdeistref Sirol Caerffili yn cadw gwybodaeth yn cael ei bennu trwy ofynion statudol neu arferion gorau. Byddwn yn cadw'ch holl wybodaeth yn ddiogel, p'un ai a gedwir yn electronig neu ar bapur. Dim ond am gyfnod penodol o amser y cedwir eich gwybodaeth, ac ar ôl hynny bydd yn cael ei dinistrio'n ddiogel yn unol â Pholisi Cadw a Gwaredu Cofnodion y Gyfadran.

Bydd natur y wybodaeth a gawn gennym yn pennu faint o amser rydym yn ei chadw.

Gwybodaeth bersonol ar staff	Cofnod PNC Electronig: Mae gwybodaeth yn cael ei chadw am hyd y contract ac yn cael ei symud o'r PNC yn syth ar ôl canslo'r contract a dychwelyd yr offer larwm (Os na chaiff yr offer ei ddychwelyd neu ei fod ar goll, gall y Rheolwr Teleofal awdurdodi dileu cyfrifon wedi'u canslo) Cofnodion papur Cynhelir gwybodaeth ar ffeil am hyd y contract ac fe'i dinistrir yn ddiogel 12 mis ar ôl cael ei ddileu o gronfa ddata'r PNC (heb gynnwys y ffurflen TAW)
Ffurflenni TAW	Cedwir am 7 mlynedd ar ôl i'r cyfrif gael ei ddileu o PNC
Cofnodion o alwadau	Cedwir am 6 blynedd
Recordiadau llais	Cedwir am 2 flynedd

Eich Hawliau (gan gynnwys y Weithdrefn Gwynion)

Eich hawliau dan gyfraith Diogelu Data

Mae'r ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdanynt):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: www.ico.org.uk

Er mwyn arfer eich hawliau, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwynion

Os ydych yn anfodlon â'r modd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Maes Gwasanaeth, y manylir arno ar frig y ddogfen hon, gan amlinellu eich pryderon.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth. Dilynwch y ddolen hon am ragor o wybodaeth am y broses gwyno.

www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb

Crynodeb o'r Hysbysiad Preifatrwydd

Os gofynnir am ddata personol o destun data, dylid cynnwys y Crynodeb o'r Hysbysiad Preifatrwydd yn y ffurflen, os caiff ei defnyddio, neu ar waelod y cais os na ddefnyddir ffurflen.

Os yw'r testun data yn rhoi gwybodaeth bersonol i ni na ofynnwyd amdani, yna dylid cynnwys y Crynodeb o'r Hysbysiad Preifatrwydd ar waelod y llythyr cydnabod.

Os cafwyd y data personol ar gyfer ffynhonnell heblaw'r pwnc data, mae gennym rwymedigaeth i hysbysu'r pwnc data ein bod wedi derbyn / prosesu gwybodaeth amdanynt, oni bai bod eithriad yn berthnasol. Dylai'r Crynodeb o'r Hysbysiad Preifatrwydd hwn gael ei gynnwys ar waelod y cyfathrebu hwnnw.

Sut y byddwn yn defnyddio'ch gwybodaeth

Bydd y Gyfadran yn casglu gwybodaeth a phrosesu'r manylion perthnasol sy'n ymwneud â'ch sefyllfa mewn modd a fydd yn cynorthwyo'r Gyfadran i'ch cefnogi i gwrdd â'ch anghenion ac anghenion eich teulu lle bo angen/bo'n briodol. Defnyddiwn y wybodaeth i sicrhau bod eich anghenion yn cael eu diwallu mewn dull diogel a phriodol. Er mwyn gwneud hyn, efallai y bydd angen i ni rannu gwybodaeth yn fewnol gyda thimau Gwasanaethau Oedolion sy'n cynnwys timau Pobl Hŷn, Tîm Therapi Galwedigaethol, Tîm Anabledd Corfforol a Nam ar y Synhwyrau, Tîm Anableddau Dysgu, Tîm Camddefnyddio Sylweddau, Tîm Iechyd Meddwl, Tîm Cefnogi Pobl, Gwasanaethau Cymorth Cymunedol, Tîm Plant ag Anabledd, Timau Llety i Oedolion (Byw â Chymorth, Rhannu Bywydau a Seibiant), Tîm Comisiynu, Gwasanaethau Preswyl a Gofal Dydd, Tîm Cymorth Cartref ac Ailalluogi, Cyd-Dîm Rhyddhau o'r Ysbyty, Tîm Diogelu Oedolion/Amddiffyn Oedolion Agored i Niwed, Tîm Cyllid Cleientiaid a thimau mewnol eraill sy'n gallu ein cefnogi i ddiwallu eich anghenion a/neu anghenion eich teulu. Efallai y bydd angen i ni hefyd rannu eich gwybodaeth gydag asiantaethau partner allanol neu gyda gweithwyr proffesiynol a sefydliadau eraill; mewn sefyllfaoedd brys, byddwn yn defnyddio'ch gwybodaeth er mwyn gwneud yr atgyfeiriadau angenrheidiol i'r Llysoedd neu'r Heddlu.

Mae gennych nifer o hawliau mewn perthynas â'r wybodaeth a ddelir amdanoch, gan gynnwys yr hawl i gael gafael ar wybodaeth sydd gennym amdanoch chi a'r hawl i gwyno os ydych chi'n anhapus â'r ffordd y mae eich gwybodaeth yn cael ei phrosesu.

Am ragor o wybodaeth am eich hawliau a sut rydym yn prosesu'ch gwybodaeth, cliciwch ar y ddolen ganlynol:

Am ragor o wybodaeth am eich hawliau a sut rydym yn prosesu'ch gwybodaeth, cliciwch ar y ddolen ganlynol:

[{Hyperddolen i'r Hysbysiad Preifatrwydd Llawn ar ein gwefan}](#)